



***Komunikadu Imprensa***

***Periodu :Novembru 2010***

***Publikasaun : Dezembru 2010***

**JSMP hala'o treinamentu ba Lider Komunitària iha Distritu Bobonaro**

Iha loron Kuarta feira, 01 Dezembru 2010, *Judicial System Monitoring Programme* (JSMP) liu husi unidade *Victim Support Service* (VSS), halao atividade treinamentu iha Suco Atudara, Sub Distritu Cailaco, Distritu Bobonaro. Partisipantes sira ne'ebé partisipa iha treinamentu ne'e hamutuk ema nain tolu nulu ( 30 ), kompostu husi Xefi Aldeia, Xefi Suco, Juventude, grupu fetu, no konselhu Suco. Husi partisipante hirak ne'e, fetu rua nulu resin ida ( 21 ) no mane nain sia ( 9 ). Aleinde treinamentu vss mos realiza atividade konabá kampaña 16 dias ativismu kontra violensia ho tema Nasional "Lei Kontra Violensia Doméstika", Proteze Hau, Proteze Hau nia Familia.

Luis de Oliveira Sampaio, Direitòr Ezekutivu JSMP, *haktuir katak treinamentu ne'e ho nia objetivu atu halo sosialisasaun no hasa'e koñesimentu ba lider komunitària relaciona ho Lei Nu.7/2010 konabá Lei Kontra Violénsia Doméstika ne'ebé foin maka vigor iha Timor Leste iha loron 7 fulan Jullu 2010.*

JSMP hanoin katak treinamnetu ne'e lori ita atu hanoin fila fali padraun interansional ne'ebé mak ita nia estadu ratifika, no leis ne'ebé Parlamentu Nasional halo atu bele asegura sidadaun sira nia direitu. Hare ba iha realidade agora hatudu katak fetu sempre sai vítima ba hahalok injustisa no desigualdade jéneru, ne'e hatudu katak violénsia oin-oin akontese tanbá transformasaun husi jerasaun ba jerasaun no hola parte nu'udar tradisaun iha ita nia sociedade.

Aleinde Lei Kontra Violensia Doméstika, materia ne'ebé aprejenta maka hanesan Kódigu Penál no Kódigu Prosesu Penál husi prespektiva vítima (violensia bazeia ba jeneru), padraun internacional ne'ebé ratifika, no Lei Lideransa Komutaria. Treinamentu ne'e relaiza tanba hetan tulun finaseiru husi Governu Australia atraves husi fundu Fasilidade Justisa (*Justice Facility*) Nian.

Treinamentu ne'e hetan antusiasmu maka'as husi partisipantes sira. Partisipantes sira rekomenda ba JSMP liu husi unidade Victim Support Service (VSS) atu kontinua nafatin treinamentu ka kualker forma divulgasaun informasaun lei iha futuro.

JSMP espera katak treinamentu ne'ebé maka hala'o bele ajuda hodi hasa'e koñesimentu ba lider komutaria sira para atu bele komprende diak liu tan konabá prosesu lei, liu-liu Lei Kontra Violensia Doméstika ne'ebé maka foin vigor iha Timor Leste.

Atu hetan informasaun kle'an favor kontaktu:  
Luis de Oliveira Sampaio  
Direitor Ezekutivu JSMP  
Email; [Luis@jsmp.minihub.org](mailto:Luis@jsmp.minihub.org)  
Landline; 3323883/7295795